

displicebit, quamuis non fuerat requisita, quia attentis omnibus circumstanciis caucius et melius est nos quam vos hoc fecisse, si inde obiurgacionis questio in posterum oriatur. Item quia lator presencium deuotis faucibus esurit nostre religionis ingressum et M. . . . sororum nostrarum ortulanus, qui secum versus Romam peregrinatus est, optimum sibi de vita sua et conuersacione perhibet testimonium, ideo bonum esset quod, si in Lalandia monasterium nostri ordinis fieret, ibi pro fratre conuerso acceptaretur, cum pecunie, quam possidet, quantitate. Item tantum duas vestras literas receperamus paternitatis vestre post recessum, optantes totis affectibus aut plures super peregrinacionem vestram cicius nos posse suscipere, aut personam vestram desiderabilem videre feliciter reuertentem.

2194. 1416 efter d. 1 Mars¹⁾. Vadstena kloster.

Abbedissan och konventen i Vadstena kloster till confessor generalis Ericus Johannis om munken Störkari död m. m.

Afskr. i Codex 6 (Benz.) i Upsala Univ:s bibl., fol. 56.

Fiali in Domino salutacione premissa sincere cum omnimoda reuerencia subiectiua. Dilectissime pater noster. Ecce anima nostra turbata est valde eo, quod paternitatem vestram, quam ex totis medullis anime exspectamus, nondum vidimus reuertentem putamusque de peregrinacione vestra vix tanta posse com[m]oditatis solacia subsequi quanta tristicie et incom[m]oditatis preambula antecedunt, et quamuis erga nos prospere aguntur vniuersa et multa ad vota nobis succedunt, nichil tamen nos habere putamus consolacionis quamdiu de vestra absentia suspiramus, nec possumus neque volumus peregrinacionem vestram diucius sustinere, ymmo nisi paternitas vestra reuersa fuerit infra breue faciemus eam per tales literas reuocari quod redire non differat, eciam si fundacionem illius monasterii per huiusmodi reuocacionem contingeret totaliter impediri, nam inconueniens esse dinoscitur vt sic curetur domus aliena quod reddatur propria desolata. Item frater S[tørkarus] per quinque ebdomadas est infirmitatis molestiis infestatus, sed tandem victus cessit dominica L^{me} viam vniuerse carnis ingrediens post cenam et in crastino est sepultus, cuius locum vacuum volumus remanere donec vestra paternitas redierit et ipsum, qui sibi succedat, prior elegerit, vt tenetur, quamuis talis dilacio nimis fuerit aliquibus onerosa. Paternitatem vestram etc.

Hec abbatissa ac vterque conuentus monasterii Watzstenensis vestre paternitatis grex humilis et sincerus.

Adress: Religioso viro ac nobis in Christo precarissimo fratri Erico, confessori generalis monasterii Watzstenensis, sincere et reuerenter presens detur.

¹⁾ Utan datering, men skrifvet till confessor generalis Ericus under hans vistelse på Lolland för birgittinerklostrets grundläggande 1416 och efter munken Störkari död d. 1 Mars.